

Цааранднь чигн шундж кӧдлхмн

Яшкульск района 108 номертӓ совхозин хӧдчирт болн шовучирт, Советск Союзин орд-келн ӓмтнур кесн СССР-н Дээд Советин дуудвр ик ӧрг-мдж болв. Эн дуудвр хӓрӧд гиж, 5-ч фермин ах хӧдч ур Намругъа Убуш эврӓннь гер-булӓрн хӧдгӓн увлӓр хургь-луллгӓнд гиж, хойр дулан хаша бӓрдж, хӧддиннь увлз-нӓгур шундж ӧдр болгӓн ӧвс зӧджӓнӓ. Цуг бийнь 850 тонн ӧвсн кергтӓ, ода увлзныур зӧджӓннь 720 тонн шимтӓ сӓн ӧвсн бӓӓнӓ.

Шовуна фермин кӧдлӓч, хальмг куукд кун Котошова Вера ингдж келнӓ:—эн джил 800 толгъа шову махнд орулдж ӧгӧв, тер шовуд 13 цент-

нер 25 килограмм болв. Цань удсень 1146 толгъа така бӓӓнӓ, тедниг улм таргъар бӓрдж, Дээд Советин дуудврт мини ханлтин хӓрӧд гиж, январь сард ори-нутгтан орулдж ӧгӓв.

Бидн эн дуудвриг умшдж сӓӓнӓр меддж, олд-ӓмтид цӓӓ-лгӓдж ӧгч, увлзныг деер бӓӓх ӧвсӓн чикӓр, цевр-цеерӓр эд-лдж, малдан цаглань усинь ӧгч, сӓн чинӓтӓгӓр, нег чигн гару угагъар увлӓс авч гархин тӧлӓ шунхмн—гидж Котошова Вера хӧдчириг болн малчириг дууддж бӓӓнӓ.

ЭРДНИ-ГАРЯЕВ Б.

108-ч совхоз.